

Мажлислар одоби ҳақида

05:00 / 03.03.2017 3136

Аллоҳ таоло «**Эй иймон келтирганлар! Агар сизларга мажлисларда силжибрөқ ўтиринг дейилса, бас, силжинг, агар туринг дейилса, туринг. Аллоҳ сизлардан иймон келтирганларнинг ва илм берилганларнинг даражаларини кўтарадир. Аллоҳ нима қилаётганларингиздан хабардордир**», деган.

Бу ояти кариманинг тушиш сабаби ҳақида ҳазрати Муқотил ибн Ҳаёён бундай ривоят қиласидилар:

«Бу оят жума куни тушган. Пайғамбар алайҳиссалом ўша куни суфада, тор жойда ўтирган эдилар. У кишининг одатлари, Бадр уруши қатнашчиларини иззат-икром қиласар эдилар. Бадр уруши иштирокчиларидан бир гуруҳи мажлисга кеч қолиб келдилар. Пайғамбар алайҳиссалом қаршиларига келиб «Ассалому алайкум айюҳан Набийю ва роҳаматуллоҳи ва барокатуху», дедилар. Пайғамбаримиз алайҳиссалом алик олдилар. Улар ўтирганларга ҳам салом бердилар. Ўтирганлар ҳам алик олдилар. Келганлар жой берилишини кутиб тик туриб қолдилар. Расулуллоҳ алайҳиссалом уларнинг нимага туриб қолганларини билдилар. Лекин уларга жой берилмади. Бу эса Пайғамбаримизга оғир ботди. Шунда у зоту бобаракот атрофларида ўтирган, Бадр урушида қатнашмаган кишиларга «ҳой фалончи, фалончи» деб бирма-бир ўринларидан турғизиб, аҳли бадрни ўтқаздилар. Бу эса, ўрнидан турғазилганларга оғир ботди. Пайғамбар алайҳиссалом буни уларнинг юзларидан сездилар.

Мунофиқлар бу ҳолатдан усталик билан фойдаланиб, «Пайғамбаримиз кишилар орасида адолат ўрнатади, деб юрар эдинглар-ку?! Аллоҳга қасам, анавиларга ҳеч адолат қилмади. Бир хил одамлар ўз Набийларини яхши кўриб унга яқинлашувди, уларни турғазиб юбориб, ўринларига ўзгаларни ўтқазди, дейишга ўтдилар. Шу онда Пайғамбар алайҳиссалом «Ўз биродарига жой берган кишига Аллоҳнинг раҳмати бўлсин», дедилар. Шундан сўнг одамлар ўринларидан шошилиб тура бошладилар ва биродарларига жой бўшатдилар. Ана шундай ҳолат бўлиб турган пайтда ушбу оят нозил бўлди.

«Эй иймон келтирганлар! Агар сизларга мажлисларда силжибрөқ ўтиринг дейилса, бас, силжинг, агар туринг дейилса, туринг».

Мусулмонлар Пайғамбар алайҳиссалом мажлисларида иймон ва илм олардилар. Шунинг учун ҳам ҳамма катта қизиқиш билан, иложи борича, у

зотга яқинроқ үтиришни хоҳларди. Ушбу оят нозил бўлгач, илм олиш мажлисини ҳаммага кенг тарғиб қилиш зарурлиги эслатилиб, мажлис аҳлининг барчасига жой беришни йўлга қўйишга даъват этилди.

Шу билан бирга иймон ва илмнинг тутган ўрни жуда ҳам юқори эканлиги эслатилиб:

«Аллоҳ сизлардан иймон келтирғанларнинг ва илм берилғанларнинг даражаларини кўтаради. Аллоҳ нима қилаётғанларингиздан хабардордир», дейилди.

Бу оят тафсиридан яна шу нарса ойдинлашадики, баъзи кишилар ўзларича обрў-эътибор деб юрадиган мансаб, пул, йиғилган молу дунё ва бойликларнинг Аллоҳ ҳузурида ҳеч қандай қиймати йўқ экан. Фақат иймону илм билан Аллоҳ тақводорлар мартабасини юқори тутар экан.

Абу Саъид розиаллоҳу анҳудан ривоят қилинади:

«Набий соллаллоҳу алайҳи васаллам:

«Йўллардан үтиришдан сақланинг», дедилар.

Эй расууллоҳ, Мажлисларимиз лозим нарсалар. Биз уларга суҳбатлашамиз», дейишди.

«Агар үтиришдан бошқа илож топа олмасангиз, йўлга ўз ҳаққини беринг», дедилар.

«Унинг ҳаққи недир?» дейишди.

«Кўзни тийиш, озор бермаслик, саломга алик олиш ҳамда амру маъруф ва наҳии мункар», дедилар».

Шарҳ: Бекордан бекорга йўл бўйида үтириш яхши эмас. Агар йўл бўйида ноилож тарзда үтириб қолинган чоғда ҳам кўзни нолойиқ нарсалардан тийиб, бирорга озор бермасдан, ўткинчиларнинг саломига алик олиб, кези келганда яхшиликка амр қилиб, ёмонликдан қайтариб туриш лозим бўлади.

Ибн Умар розиаллоҳу анҳудан ривоят қилинади:

«Набий соллаллоҳу алайҳи васаллам:

«Бир киши бошқа бир кишини мажлисидан турғазиб, сўнг ўзи унинг ўрнига үтирмайди. Лекин силжинглар ва кенгайтирглар», дедилар.

Икковини тўртовлари ривоят қилган.

Муслим ўз ривоятида:

«Ибн Умар бирор ўрнидан туриб унга жой бўшатса, ўша ерга үтирмас эди»ни зиёда қилган.

Шарҳ: Мажлисда үтирган бир кишини турғазиб ўрнига бошқани ўтқазиш ҳаромдир. Чунки бу ишда аввал келган кишини беҳурмат қилиш бор. Аммо кенгайиб жой очилса яхши бўлади. Ибн Умар розиаллоҳу анҳунинг бирор

ўрнидан туриб унга жой бўшатса, ўша ерга ўтирмасликлари ўзларининг ўта камтарликларидандир. Аслида ўтирган одам бир кишини улуғлаб ва хурматлаб чин кўнгилдан жой бўшатиб берса ўтиromoқ жоиз.

Абу Ҳурайра розиаллоҳу анҳудан ривоят қилинади:

«Набий соллаллоҳу алайҳи васаллам:

«Ким ўз жойидан туриб яна қайтиб келса, у ўшанга ҳақлидир», дедилар».

Муслим, Абу Довуд ва Термизий ривоят қилган.

Шарҳ: Мажлисда ўтирган одам бирор сабаб ила ўрнидан туриб ҳожатини чиқаргандан кейин яна қайтиб келса, ўзининг аввалги жойига ўтиришга энг ҳақли одам бўлади. Унинг ўрнига бошқа бировнинг ўтириб олишга ҳаққи йўқ. Бинобарин илмий мажлислар, дарслар ва тез-тез такрорланадиган йиғинларда маълум ерга ўтиришни ўзига одат қилган одамларнинг ўша ерга доимий равишда ўтиришга ҳақлари бор.

Жобир ибн Самурата розиаллоҳу анҳудан ривоят қилинади:

«Қачон Набий соллаллоҳу алайҳи васалламнинг ҳузурларига келсак, биримиз ўзи етган жойга ўтирас эди».

Сунан эгалари ривоят қилган.

Шарҳ: Демак, ҳар ким ўзи келганда мажлиснинг охири қаерда бўлса ўша ерга ўтиргани афзал экан. Одамлар ўтирган бўлса ҳам олдинган қараб интилиб ўтирганларни ножам қилмаган маъқул.

Яна ўша кишидан ривоят қилинади:

«Набий соллаллоҳу алайҳи васалламни чап ёнбошларидағи болишга суюнган ҳолларида кўрдим».

Термизий ривоят қилган.

Шарҳ: Мажлиснинг тақозои ҳоли кўтарса болишга суюнса ҳам бўлар экан.

Яна ўша кишидан ривоят қилинади:

«Набий соллаллоҳу алайҳи васаллам қачон Бамдодни ўқиб бўлсалар қуёш гўзал бўлиб чиққунча чордана қуриб ўтирас эдилар».

Абу Довуд ривоят қилган.

Шарҳ: Сўнgra ишроқ намозини ўқиб уйлари томон йўл олар эдилар. Бамдодни ўқиш билан қайта ухлашга ўтмас эдилар.

Абу Саъид розиаллоҳу анҳудан ривоят қилинади:

«Расулуллоҳи соллаллоҳу алайҳи васаллам ўтирганларида икки қўллари билан тиззаларини қучоқлар эдилар».

Абу Довуд ва Баззор ривоят қилган.

Шарҳ: Пайғамбар соллаллоҳу алайҳи васаллам гоҳида икки думбаларини

ерга қўйиб қўллари билан тиззаларини қучоқлаб ҳам ўтирганлар. Ушбу ривоятда айнан ўша ўтириш ҳақида сўз кетмоқда.

Абдуллоҳ ибн Амр розиаллоҳу анҳудан ривоят қилинади:

«Кишига икки кишининг изнисиз уларнинг орасини ажратиш ҳалол бўлмайди», дедилар».

Абу Довуд ва Термизий ривоят қилган.

Шарҳ: Бир-бири билан яқин ўтирган, ораларида одам сиғадиган жой бўлмаган икки кишининг орасига уларнинг изнисиз суқилиб ўтириб олиш ҳаромдир. Бу уларга ноқулайлик туғдириши турган гап. Аммо уларнинг ўзлари изн берсалар мумкин.

Термизийнинг ривоятида:

«Кишининг сultonида унга имомлик қилинмайди ва унинг хос жойига ўтирилмайди. Илло унинг ўзи изн берса мумкин», дейилган».

Шарҳ: Киши ўз уйида, иш жойида ва раҳбарлик қилаётган жойида намозга ўзи имомлик қилишга ҳақли. Шунингдек унинг ўзи учун тайёrlанган ўринга фақат ўзи ўтиришга ҳақли. Бошқалар унинг изнисиз имомлик ҳам қила олмайди, жойига ҳам ўтира олмайди.

ҲАЛҚА БЎЛИШ ВА МАЖЛИСНИНГ КЕНГЛИГИ

Мажлис қуриб ўтирганда ҳалқа шаклида ва одамларнинг сонига қараб кенгроқ бўлиб ўтирган афзал.

Жобир ибн Самура розиаллоҳу анҳудан ривоят қилинади:

«Расулуллоҳи соллаллоҳу алайҳи васаллам масжидга киргандарида улар ҳалқа-ҳалқа бўлиб ўтирган эдилар. Шунда у зот «Нима бўлдики, сизларни тарқоқ ҳолда кўрмоқдаман», дедилар».

Абу Довуд ва Муслим ривоят қилган.

Шарҳ: Бундан бир масжиднинг қавми турли ҳалқаларга бўлинмай битта ҳалқада ўтиришлари афзал экани келиб чиқади.

Абу Саъид розиаллоҳу анҳудан ривоят қилинади:

«Набий соллаллоҳу алайҳи васаллам:

«Мажлисларнинг яхшиси кенгиdir», дедилар».

Абу Довуд ривоят қилган.

Шарҳ: Имкон бўла туриб тор доира олиш албатта, турли ноқулайликлар туғдиради. Шунинг учун имконга қараб кенг доира олиш яхши бўлади.

Абу Мижлаз розиаллоҳу анҳудан ривоят қилинади:

«Бир киши ҳалқанинг ўртасига ўтиреди. Шунда Ҳузайфа «Мухаммаднинг

тилида малъундир ёки Аллоҳ Мұхаммад соллаллоҳу алайҳи васалламнинг тиллари ила ҳалқанинг ўртасига ўтирганни лаънатлади», дедилар». Термизий ва Абу Довуд ривоят қилган.

Шарҳ: Чунки ҳалқанинг ўртасига ўтирган одам бу борадиги Расулуллоҳ соллаллоҳу алайҳи васалламнинг таълимотларига хилоф қилган ва орамларни бир-бирларидан тўсган бўлади.

МАКРУҲ ЎТИРИШ

Шарид ибн Сувайд розиаллоҳу анҳудан ривоят қилинади:

«Расулуллоҳи соллаллоҳу алайҳи васаллам олдимдан ўтдилар. Мен бундоқ қилиб; чап қўлимни орқамга қўйиб, кафтимга таяниб ўтирган эдим. Шунда у зот «Сен ғазабга учраганларга ўхшаб ўтирасанми?!» дедилар».

Шарҳ: Чунки бу мутакаббирларнинг ўтиришидир. Мўмин banda намозда ўтирганга ўхшаб, чордана қуриб ёки тиззалирини қучоқлаб ўтиради.

Абу Ҳурайра розиаллоҳу анҳудан ривоят қилинади:

«Абул Қосим соллаллоҳу алайҳи васаллам:

«Қачон бирингиз сояда ўтирган бўлса, у исқариб, унинг баъзиси қуёшда, баъзиси сояда бўлиб қолса, ўрнидан турсин», дедилар».

Иккисини Абу Довуд ривоят қилган.

Шарҳ: Чунки ярими қуёшда, ярими сояда ўтирган одамнинг мижози бузилади. Бундоқ ўтириш шайтоннинг ўтиришидир.